



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo

**GRADSKO VIJEĆE**

Broj:  
Sarajevo, \_\_.\_\_.2021. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici održanoj \_\_.\_\_.2021. godine, usvojilo je

Izvještaj o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2020. godini.

**PREDSJEDAVAJUĆI GRADSKOG VIJEĆA**

**Jasmin Ademović**

---

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba





**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADONAČELNIK**

**IZVJEŠTAJ**  
**O PROVOĐENJU ODLUKE O UTVRĐIVANJU I NAČINU SUFINANSIRANJA SPORTSKIH**  
**MANIFESTACIJA OD POSEBNOG INTERESA**  
**ZA GRAD SARAJEVO U 2020. GODINI**

**PREDLAGAČ:**  
**Gradonačelnica**

**OBRADIVAČ:**  
**Gradska služba za obrazovanje,**  
**kulturu, sport i mlade**

**Sarajevo, maj 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



## I UVOD

Programom rada Gradskog vijeća Grada Sarajeva za 2021. godinu, predviđeno je razmatranje Izvještaja o provođenju Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo u 2020. godini.

## II NAČIN FINANSIRANJA MANIFESTACIJA OD POSEBNOG INTERESA ZA GRAD SARAJEVO

Gradsko vijeće Grada Sarajeva donijelo je Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo („Službene novine Kantona Sarajevo“, broj 10/19). Istom su utvrđene sljedeće manifestacije od posebnog interesa za Grad Sarajevo:

- Memorijalni karate turnir „Kup oslobođenja – Salih Salko Ćurić“;
- Međunarodni memorijalni košarkaški turnir „Mirza Delibašić“;
- Međunarodni memorijalni turnir u dizanju tegova „Andrija Maleč“;
- Međunarodni memorijalni judo turnir „Vinko Šamarlić“;
- Međunarodni Šestoaprilski turnir u fudbalu U-15 „Josip Katalinski Škija“;
- Međunarodni turnir u ritmičkoj gimnastici „Suada Dilberović“;
- Međunarodni košarkaški turnir „Davorin Popović Dačo“;
- Memorijalni bokserski turnir „Braća Kadić“;
- Međunarodni memorijalni bokserski turnir „Mustafa Hajrulahović Talijan“;
- Međunarodni memorijalni judo turnir „Alija Miladin“;
- Međunarodni karate turnir Karate World Grand Prix „Alija Izetbegović“;
- Međunarodni teniski turnir za juniore-ke do 16 godina „Open RCT Barcelona 1899-Sarajevo“;
- Međunarodni velemajstorski šahovski super turnir „Bosna“ Sarajevo;
- Međunarodni turnir u sjedećoj odbojci „SARAJEVO OPEN“;
- Međunarodno skijaško takmičenje FIS Kup „Djeca za mir u svijetu“;
- Međunarodni turnir u hokeju na ledu „Sarajevo kids“;
- Evropski judo kup Top ranking;
- Međunarodno FIS takmičenje u snowboardu „Europa KUP Sarajevo“;
- Međunarodni plivački miting „Sarajevu s ljubavlju“;
- Međunarodni vaterpolo turnir „Sarajevo Champions Challenge“;
- Šestoaprilski turnir u hrvanju „Kup grada Sarajeva“;
- Međunarodni Šestoaprilski turnir u kuglanju za slijepe i slabovidne osobe;
- Međunarodni Šestoaprilski turnir u streljaštvu;
- Međunarodni Šestoaprilski turnir u košarci;
- Sarajevski polumaraton;
- Međunarodni fudbalski turnir U-17 „Igraj fudbal živi život“;
- Međunarodni skokovi u vodu „Bentbaša“;
- Šestoaprilski turnir u streljaštvu za invalide;
- Međunarodni plivački miting „Mladi za mlade“;
- Sportske igre mladih;
- Međunarodna gradska atletska trka „Viviccita“;
- Sportske igre Oaze

Odlukom o utvrđivanju i načinu sufinansiranja sportskih manifestacija od posebnog interesa za Grad Sarajevo definisani su opći i posebni kriteriji, kao i procedura za finansiranje navedenih manifestacija. Organizatori manifestacija su dužni podnijeti gradonačelniku Grada Sarajeva putem Gradske službe za obrazovanje, kulturu, sport i mlade zahtjev za sufinansiranje manifestacije. Ovaj zahtjev mora sadržavati detaljan i obrazložen program sa svim aktivnostima, planiranu finansijsku konstrukciju programa, kao i kompletnu dokumentaciju kojom se dokazuje ispunjenje općih i posebnih kriterija, najkasnije do kraja septembra tekuće godine, kako bi se mogla planirati sredstva u Budžetu Grada Sarajeva za narednu godinu. Gradska služba za obrazovanje, kulturu, sport i mlade procjenjuje programe manifestacija sa stanovišta značaja za Grad Sarajevo i na osnovu općih i posebnih kriterija za finansiranje manifestacija, te shodno

kvaliteti programa svoje stavove sa obrazloženim prijedlogom visine iznosa sredstava neophodnih za realizaciju dostavlja gradonačelniku Grada Sarajeva na daljnji postupak.

Gradonačelnik Grada Sarajeva se obavezuje da sa organizatorima manifestacija zaključi ugovor kojim će se regulisati međusobna prava i obaveze.

Organizatori su dužni po završetku manifestacije dostaviti gradonačelniku Grada Sarajeva izvještaj o namjenskom utrošku sredstava shodno Odluci o izvršavanju Budžeta Grada Sarajeva.

### **III KRATAK OPIS SPORTSKIH MANIFESTACIJA OD POSEBNOG INTERESA ZA GRAD KOJE SU SUFINANSIRANE I REALIZOVANE U 2020. GODINI**

**U pogledu finansiranja programa iz oblasti sporta, iz skromnih budžetskih sredstava Grada Sarajeva, u 2020. godini sufinansirano je ukupno dvanaest sportskih manifestacija. Najveći dio manifestacija nije održan zbog pandemije COVID-19, a najviše manifestacija je otkazano planiranih u sklopu Programa obilježavanja 6. aprila – Dana grada Sarajeva.**

#### **SPORTSKE MANIFESTACIJE**

##### **MEĐUNARODNI MEMORIJALNI JUDO TURNIR „VINKO ŠAMARLIĆ“**

Termin: 31.10-01.11.2020. godine. Mjesto održavanja: Sportska dvorana Novo Sarajevo. Organizator: Judo klub „Željezničar“. Turnir se održava u znak sjećanja na heroja odbrane Sarajeva Vinka Šamarlića. Na 28. Međunarodnom memorijalnom judo turniru „Vinko Šamarlić“ učestvovalo je oko 200 takmičara.

Za realizaciju turnira, odobrena su sredstva iz Budžeta Grada Sarajeva u iznosu od 3.000,00 KM.

##### **MEĐUNARODNI TURNIR U RITMIČKOJ GIMNASTICI „SUADA DILBEROVIĆ“**

Termin: 10.10.2020. godine. Mjesto održavanja: Olimpijska dvorana „Juan Antonio Samaranch“. Organizator: Klub ritmičke gimnastike „Bosna Gym“. Na turniru je nastupilo oko 200 takmičarki iz dvanaest klubova iz naše zemlje. Pored sjećanja na Suadu Dilberović, prvu žrtvu opsade Grada Sarajeva i volonterku na 14. Svjetskom prvenstvu u ritmičkoj gimnastici 1989. godine, turnir je nastavak napora kluba Bosna Gym da svojim angažmanom doprinese popularizaciji i afirmaciji ženskog sporta u Bosni i Hercegovini, čak i u ovako teškim vremenima izazvanim epidemiološkom situacijom.

Za realizaciju Međunarodnog turnira u ritmičkoj gimnastici „Suada Dilberović“ odobrena su sredstva iz Budžeta Grada Sarajeva u ukupnom iznosu od 3.000,00 KM koja su utrošena na troškove pehara i medalja, zakup dvorane za takmičenje i ishranu takmičarki.

##### **MEĐUNARODNI MEMORIJALNI BOKSERSKI TURNIR „MUSTAFA HAJRULAHOVIĆ TALIJAN“**

Termin: 18.12.2020. godine. Mjesto održavanja: KSC Skenderija – Dom mladih. Organizator: Bokserski klub „Zlatni ljiljani“. U Domu mladih Kulturno sportskog centra Skenderija održan je XVIII Međunarodni memorijalni bokserski turnir „Mustafa Hajrulahović Talijan“. Ovaj sportski događaj nosi ime u znak sjećanja na lik i djelo predsjednika BK „Zlatni ljiljani“ Mustafu Hajrulahovića Talijana, evocira uspomene i trajno podsjeća na heroja odbrane grada Sarajeva.

Za realizaciju bokserskog turnira odobrena su sredstva iz Budžeta Grada Sarajeva u iznosu od 3.000,00 KM.

## **MEĐUNARODNI MEMORIJALNI JUDO TURNIR „ALIJA MILADIN“**

Termin: 28.10.2020. godine. Mjesto održavanja: Dvorana Centra za sport i rekreaciju „FIS“. Organizator: Judo klub „Bosna“. Pod pokroviteljstvom Grada Sarajeva održan je 20. Memorijalni judo turnir „Alija Miladin“. Pobjednik u Open kategoriji je Kerim Hasić, drugo mjesto je osvojio Edis Huseinbegović, a treće Husein Gegić. Kod juniora najbolji je bio Nadir Lerić, drugo mjesto je osvojio Hamza Miladin, a treće Ismet Agić.

Za realizaciju judo turnira odobrena su sredstva iz Budžeta Grada Sarajeva u iznosu od 3.000,00 KM.

## **MEĐUNARODNI TENISKI TURNIR ZA JUNIORKE I JUNIORE DO 16 GODINA „OPEN RCT BARCELONA 1899 – SARAJEVO 2019“**

Termin: 25-27.09.2020. godine. Mjesto održavanja: GTA Teniska akademija Hotonj. Organizator: Teniski klub „Tenis Pro“. Turnir je ove godine zbog pandemije COVID-19 imao domaći karakter, a održan je pod pokroviteljstvom Gradske uprave Grada Sarajeva. U konkurenciji juniora prvo mjesto osvojio je Adnana Vojvodić član TK „AS“ iz Zenice. U finalu je pobijedio Adriana Mateja Gračanina iz Teniskog kluba „Iskra Teen“ Sarajevo rezultatom 2:0, po setovima 6:0; 7:5.

U konkurenciji juniorki pobijedila je Emina Lagarija članica Teniskog kluba „Tenis head Akademija“ iz Sarajeva. Ona je u finalu pobijedila Eminu Čabro, članicu Teniskog kluba „AS“ iz Zenice, rezultatom 2:0, po setovima 6:1; 6:2.

Za realizaciju teniskog turnira odobrena su sredstva iz Budžeta Grada Sarajeva u iznosu od 3.000,00 KM.

## **MEĐUNARODNI TURNIR U SJEDEĆOJ ODBOJCI „SARAJEVO OPEN 2019“**

Termin: 09.-11.10.2020. godine. Mjesto održavanja: KSC „Ramiz Salčin“. Organizator: OKI „FANTOMI“. Pod pokroviteljstvom Grada Sarajeva održan je XIX Međunarodni turnir u sjedećoj odbojci „SARAJEVO OPEN 2019“. Na turniru je učestvovalo šest ekipa iz Srbije i naše zemlje. Najuspješnija ekipa turnira je OKI Fantomi koja je u finalu pobijedila ekipu KSO „Čelik 07“.

Za realizaciju turnira odobrena su sredstva iz Budžeta Grada Sarajeva u iznosu od 3.000,00 KM.

## **MEĐUNARODNO SKIJAŠKO TAKMIČENJE „DJECA ZA MIR U SVIJETU“**

Termin: 21.-23.02.2020. godine. Mjesto održavanja: Bjelašnica. Organizator: Sarajevski skijaški klub „SARAJEVO“. Pod pokroviteljstvom Grada Sarajeva održano je takmičenje u alpskom skijanju za djecu do 14 i do 16 godina. Na takmičenju je učestvovalo 93 takmičara iz šesnaest zemalja.

Za realizaciju skijaškog takmičenja odobrena su sredstva iz Budžeta Grada Sarajeva u iznosu od 2.000,00 KM.

## **MEĐUNARODNO FIS TAKMIČENJE U SNOWBOARDU „EUROPA KUP SARAJEVO“**

Termin: 29-02.-01.03.2020. godine. Mjesto održavanja: Bjelašnica – Štinji do. Organizator: Snowboard klub „Free Style“. Na Evropa Kupu Sarajevo 2020 nastupilo je 20 takmičara iz pet zemalja.

Za realizaciju takmičenja odobrena su sredstva iz Budžeta Grada Sarajeva u iznosu od 2.500,00 KM.

## **MEĐUNARODNI TURNIR U FUDBALU U-17 „IGRAJ FUDBAL ŽIVI ŽIVOT“**

Termin: 11-13.08.2020. godine. Mjesto održavanja: Tereni „Otoka“ i „Safet Zajko“. Organizator: Udruženje „Profesional“. Na turniru je nastupilo osam kadetskih ekipa. Turnir je osvojila ekipa FK Željezničar koja je u finalu pobijedila vršnjake FK Sarajevo sa 3:1. U utakmici za treće mjesto Sloboda iz Tule je pobijedila Borac iz Banja Luke sa 4:1. Za najboljeg igrača proglašen je Armio Ramić (FK Željezničar), za najbolje strijelce Aldin Mešić (FK Sarajevo) i Ali Serdarević (FK Željezničar), te za najboljeg golmana Sergej Bjelica (FK Željezničar).

Za realizaciju fudbalskog turnira odobrena su sredstva iz Budžeta Grada Sarajeva u iznosu od 3.000,00 KM.

## MEĐUNARODNI SKOKOVI U VODU „BENTBAŠA“

Termin: 22.08.2020. godine. Mjesto održavanja: Bentbaša. Organizator: Udruženje za promociju sporta i turizma „SporTur“. Na takmičenju su nastupili najbolji skakači, a prva tri mjesta su osvojili Evald Krnić, Mustafa Šarić, Sanjin Zejnilagić.

Za realizaciju manifestacije odobrena su sredstva iz Budžeta Grada Sarajeva u iznosu od 3.000,00 KM.

## SPORTSKE IGRE MLADIH

Termin: 20.-24.10.2020. godine. Mjesto održavanja: Sarajevo. Organizator: Udruženje za sport i rekreaciju mladih. Regionalna takmičenja u 2020. godini su održana u 30 gradova, a finalno takmičenje 10. Sportskih igara mladih je održano u Sarajevu. Na finalnom takmičenju Igaru učestvovalo je 650 finalista iz Srbije Hrvatske i BiH koji su u pratnji voditelja /trenera/ stigli u Sarajevo.

Za realizaciju igara odobrena su sredstva iz Budžeta Grada Sarajeva u ukupnom iznosu od 5.000,00 KM.

## SPORTSKE IGRE OAZE

Termin: 01.-02.10.2020. godine. Mjesto održavanja: Sarajevo. Organizator: Udruženje OAZA. Sportske igre OAZE je takmičenje međunarodnog karaktera koje je okupilo oko 400 takmičara koji su se na sportskim terenima borili za medalje u osam sportova: nogomet, košarka, atletika, stolni tenis, boćanje, i MATP — program za osobe sa višestrukim smetnjama. Discipline iz atletike su održana u Centru za edukaciju, sport i rekreaciju „Safet Zajko“ te su imala najviše prijavljenih takmičara, čak 72. Takmičenje u boćanju održano je u dvorani „Dobrinja“. U Dvorani „Ramiz Salčin“ održan je i program koji je namijenjen osobama sa višestrukim smetnjama. Takmičenje u nogometu održano je u Centru za edukaciju, sport i rekreaciju „Safet Zajko“. Takmičenje u stolnom tenisu održano je u Dvorani „Ramiz Salčin“.

Za realizaciju igara odobrena su sredstva iz Budžeta Grada Sarajeva u ukupnom iznosu od 1.000,00 KM.

## IV FINANSIRANJE OD STRANE GRADA SARAJEVA U 2020. GODINI

U segmentu podrške sportskim manifestacijama od posebnog interesa za Grad, a nakon provedene procedure, u 2020. godini sufinansirani su sljedeći projekti:

	Manifestacija	Organizator	Iznos
1	Međunarodni memorijalni judo turnir „Vinko Šamarlić“	Judo klub „Željezničar“	3,000.00
2	Međunarodni turnir u ritmičkoj gimnastici „Suada Dilberović“	KRG „Bosna Gym“	3,000.00
3	Međunarodni memorijalni bokserski turnir „Mustafa Hajrulahović Talijan“	Bokserski klub „Zlatni ljiljani“	3,000.00
4	Međunarodni memorijalni judo turnir „Alija Miladin“	Judo klub „Bosna“	3,000.00
5	Međunarodni teniski turnir za juniore-ke do 16 godina „Open RCT Barcelona 1899-Sarajevo“	Teniski klub „TenisPro“	3,000.00
6	Međunarodni turnir u sjedećoj odbojci „SARAJEVO OPEN“	OKI „Fantomi“	3,000.00
7	Međunarodno skijaško takmičenje FIS Kup „Djeca za mir u svijetu“	Sarajevski skijaški klub „Sarajevo“	2,000.00
8	Međunarodno FIS takmičenje u snowboardu „Europa KUP Sarajevo“	Snowboard klub „Freestyle“	2,500.00

9	Međunarodni fudbalski turnir U-17 „Igraj fudbal živi život“	Udruženje „Profesional“	3,000.00
10	Međunarodni skokovi u vodu „Bentbaša“	Udruženje za razvoj turizma i sporta „SporTur“	3,000.00
11	Sportske igre mladih	Udruženje za sport i rekreaciju mladih	5,000.00
12	Sportske igre Oaze	Udruženje za podršku osobama sa intelektualnim teškoćama na području Kantona Sarajevo „Oaza“	1,000.00

U 2020. godini za primjenu Odluke o finansiranju sportskih manifestacija od interesa za Grad bio je predviđen iznos od 100.000,00 KM.

Organizatori gore navedenih manifestacija su u 2020. godini dostavili finansijske i narativne izvještaje sa informacijama o načinu utroška dodijeljenih finansijskih sredstava, kao i o posjećenosti i rezultatima sa takmičenja. Dostavljene informacije su najbolji pokazatelji da su manifestacije koje sufinansira Grad Sarajevo vrhunske kvalitete, te da okupljaju mnogobrojne sportiste iz BiH i Evrope te sve veći broj posjetilaca.

## V ZAKLJUČCI

Grad Sarajevo je u 2020. godini provodeći Odluku o utvrđivanju i načinu sufinansiranja sportskih manifestacija od posebnog interesa za Grad, a u skladu sa planiranim sredstvima, podržao sve sportske manifestacije koje su se održale.

Provodeći Odluku o utvrđivanju i načinu sufinansiranja sportskih manifestacija od posebnog interesa za Grad uspješni smo i pored nepovoljne epidemiološke situacije sačuvati kontinuitet održavanja određenog broja programskih sadržaja u okviru navedenih manifestacija.

Grad Sarajevo provodeći Odluku o sportskim manifestacijama omogućuje da veliki broj građana našeg grada, a posebno djece i mladih u toku cijele godine budu neposredni sudionici različitih međunarodnih sportskih sadržaja koji iz godine u godinu dobivaju na masovnosti, a posebno kvaliteti. Grad Sarajevo, kao olimpijski i sportski grad, će i ubuduće ulagati napore da sufinansira i podržava razne sportske sadržaje kako bi se na taj način animirali građani, posebno djeca i mladi, da prate sadržaje ovih sportskih manifestacija, te da se i sami uključe u rad sportskih udruženja.